

Loüé soit le nom de Dieu ton Seigneur, honneur  
& gloire luy sont dûes eternellement.

---

*LE CHAPITRE DV JVGEMENT,  
contenant quatre-vingts dix-neuf versets,  
escrit à la Medine.*

**A**V nom de Dieu clement & misericordieux.  
Le iour du Iugement arriuera, personne ne le  
peut denier; Ce iour plusieurs seront affligez & hu-  
miliez, & plusieurs seront esleuez & resiouys, la terre  
tremblera, les montagnes s'ouuiront, & seront dis-  
persées côme la poussiere que le vent emporte, vous  
assisterez à ce iour du Iugement en trois façons, les  
vns auront en leur main droicte le liure où seront  
escrites toutes leurs actions, les autres l'auront en leur  
main gauche, & ceux qui les ont precedez à bien fai-  
re seront les plus proches de sa diuine Majesté & les  
plus esleuez en Paradis, il y en aura vn grand nom-  
bre des premiers siecles, & peu des derniers, ils seront  
appuyez sur des liëts ornez d'or & de pierreries, ils se  
regarderont tous en face, de ieunes enfans iront à  
l'étour d'eux avec des vases, des tasses & des gobelets,  
remplis d'vn breuage delicieux, qui ne leur fera  
point de mal à la teste, & qui ne les enyurera pas, ils  
auront tous les fruiëts qu'ils pourront souhaiter, &

*Ce sont les  
bien-heu-  
reux.*

*Ce sont les  
damnez.*

*Ce sont les  
Propheetes*

telle viande qu'ils desireront, ils auront des femmes qui auront les yeux noirs, & qui serót blanches côme des perles enfilées, pour recompense de leurs bonnes œuvres, ils n'entédrót point dire de mauuaise parole, ils ne pecheront pas, & entendront perpetuellement la voix de ceux qui les beniront; Ceux qui tiendront leur liure à la main droicte seront auprès d'un pommier frais & sans espine, & auprès de l'arbre de Muse, *Muse est un fruit frequent en Egypte.* sous un ombrage agreable, auprès d'une eauë courante, avec quantité de fruiçts de toute saison, ils en vserót avec liberte couchés sur des lits delicieux. Nous auons creé les filles de Paradis pucelles & affectionnées à leurs marys pour le contentement de ceux qui auront à la main droicte le liure de compte de leurs actions, & d'un bon nombre de ceux qui ont esté aux premiers siecles & d'un nombre de ceux qui seront aux derniers: Ceux qui auront leur liure de compte à la main gauche seront tourmentez d'un vent tres-chaud, ils beuront de l'eau bouillante, ils seront dedans vne noire chaude & sale fumée, parce qu'ils ont fait les delicats dans le monde, parce qu'ils estoient paresseux à obseruer les commandemens de Dieu, & qu'ils demeuroient dans l'enormité de leurs pechez. Les infidelles disent, quoy? apres la mort nous serons terre & pouffiere, & nous resusciterons avec nos peres & nos predecesseurs? Dis leur, vous, vos predecesseurs, & vostre posterité, serez tous assemblez deuant Dieu pour estre iugez; Alors, ô impies imposteurs, vous mangerez du fruiçt de l'arbre *Za-* *Zacon est l'arbre d'Enfer. Voy Gen laldin.*

con, vous en remplirez vostre ventre, vous beurez de  
 l'eau boüillante, & serez tousiours alterez, voila l'e-  
 stat que vous serez au iour du Jugement. Nous vous  
 auons tous créé, si vous ne le croyez pas, considerez  
 les biens que vous possédez, les auez vous créés vous-  
 mesme ? Nous auons ordonné que vous mourrez,  
 nous pouons s'il nous plait mettre d'autres crea-  
 tures semblables à vous en vostre place, & vous me-  
 tamorphoser en vne autre figure que vous ne sça-  
 uez pas, nous auons fait entrer l'ame dans vostre  
 corps, si vous ne le considerez pas, considerez vos  
 labourages, faites vous produire les fruiçts de la  
 terre ? où les faits-je produire ? si ie veux ie ren-  
 dray vos champs secs comme de la paille sans grain,  
 neantmoins vous estes des superbes. Vous di-  
 tes, Quoy ? nos grains que nous auons semés se-  
 ront perdus ? au contraire nous les conseruerons ;  
 Considerez l'eau que vous buuez, l'aez vous fait  
 descendre des nuës ? ou si nous l'en auons fait descen-  
 dre ? si nous voulons nous la rendrons si sale que vous  
 n'en pourrez boire, si vous n'estes pas recognoif-  
 sans de cette grace, considerez le feu que vous allu-  
 mez, auez vous créé le bois qui brusle ? nous l'auons  
 créé pour vous faire souuenir du feu d'Enfer, & pour  
 l'vtilité du peuple. Exalte le nom de Dieu tres-puif-  
 sant. le iure par celuy qui fait tomber les estoiles,  
 (c'est vn tres-grand serment si vous le cognoissez,) que  
 l'Alcoran est vn liure digne de louange, tout y  
 est escrit en bon ordre, personne ne le maniera qui ne

soit net & purifié, il est enuoyé de Dieu Seigneur de l'Vniuers, si vous abiurez ce qui est escrit dans ce liure vous serez au nombre des infidelles, & cognoistrez la verité lors que l'ame sortira de vostre corps, ie sçay cela mieux que vous, mais vous ne le confidez pas; si vous croyez de ne pas ressusciter, faites retourner vostre ame dans vostre corps lors qu'elle sera sur vos levres; Lors qu'un homme de bien mourra, il trouuera repos, & toute sorte de contentement dans les delices du Paradis, s'il est de ceux qui tiendront le liure de compte de leurs œures à la main droite, & sera exempt des peines eternelles: S'il est au nombre des infidelles & des deuoyez, il sera precipité dedans l'Enfer, c'est vne verité tres-assurée. Exalte le nom de ton Seigneur tout-Puissant.

---

*LE CHAPITRE DV FER,*  
*contenant vingt-neuf versets,*  
*escrit à la Medine.*

**A**V nom de Dieu clement & misericordieux. Tout ce qui est aux Cieux & en la Terre exalte la gloire de Dieu, il est tout-Puissant & Sage, le Royaume des Cieux & de la Terre est à luy, il donne la vie & la mort à qui bon luy semble, il est sans commencement & sans fin, il sçait tout ce que les hom-